



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

34 An semper ignorantia circa qualitates materiæ intrinsecas,
operationem reddit invalidam.

urn:nbn:de:hbz:466:1-39908

corruit etiam accessorium; Cum hoc eius naturam sequatur, reg. accessorium: de reg. iuris in 6.

¶ 2 Quartò; Cum quis ad gemmam emendam mouetur à virtute aliqua, quam in illa putat esse, ad certum morbum sanandum; Tunc causam finalem cum emptio- nis materia coincidere; Virtus enim, & qualitas illa, quæ ad gemmam emen-

dam mouet, ut causa finalis, eo quod em- ptio ad talem virtutem obtainendam ordi- netur; pertinet etiam ad emptio- nis mate- riam, cum ex illa, valor gemmæ intrinse- cus, qui est emptio- nis materia, desumatur. Quare, si circa talem virtutem contin- gat error, emptio ex defectu voluntarij erit inualida, quia error, erit circa em- pto- nis substancialia.

QVAESTIO XXXIV.

An semper, Ignorantia circa qualitates materiae intrinsecas, operationem reddat inualidam.

C A S V S.

TITIUS, Ordinis Carthusianorum difficultares ignorans, & præci- pue, quod ibi carnes uunquam comederentur, voulit eius Reli- gionis ingressum. Verum, cum postea de eorum regula certior esset factus, ingredi amplius noluit; & quæsiuit; Vtrum Votum, ex tali Ignorantia emissum, fuerit validum,

SVMMARIVM.

- 3 In Voto difficultates notabiles ignoratae, illud reddere videntur nullum.
- 6 Aliud est, difficultates ignorare; aliud, circa illas errare.
- 7 Ignorantia, difficultates ignoratas non excludit, error excludit.
- 8 Votum Religionis, etiam difficultati- bus ignoratis, tenet.
- 9 Ignorantia difficultatum, voluntatem voulendi absolutam non impedit.
- 10 Ad Voti valorem, cognitio confusa rei promissa sufficit.
- 11 Cur cognitio distincta non requiratur.

¶ 12 Non obstat, quod Ignorantia sit an- tecedens.

¶ 13 Cur ignorantia vitiorum Rei emenda- tionem irritet.

¶ 14 Quæ Ignorantia, causet inuolunta- rium.

¶ 15 Obligationem impediens, si illi superuen- niat, eam tollit.

¶ 16 Eleemosyna; facta etiam cum Ignoran- tia antecedente, aliquando est valida.

RATIONES DVBITANDI.

Quamvis error circa qualitates, obiectioni materiali operationis in- trinsecas, illam reddat inualidam, vt con-

constat ex dictis; Superest tamen adhuc difficultas, an hoc idem præstet etiana ignorantia. Sic enim, haberi poterit optima regula ad cognoscendum; At plurima Vota obligent, vel non obligent; Et quæ ratio voluntarii, ad eorum valorem requiratur, ac sufficiat.

3 Titii ergo votum videtur fuisse inuallidum. Ita Molina tom. 2. d. 272. Nau. c. 18. sum. num. 7. in fine. Henr. lib. 11. de matr. c. 14. Siluest. v. Votum. 2. quæst. 17. in fine.

4 Primo; Quia vitium notabile rei emenda, ignoratum, reddit irritam emptionem; Ergo etiam difficultates notabiles in re per Votum promissa, ignoratae, reddent irritum Votum; Non minus enim ignorantia vitij rei emenda, reddit illius emptionem inuoluntariam, quam ignorantia difficultatum, inuoluntarium reddat Votum.

5 Secundo; quia error notabilis circa rem, per Votum, promissam, reddit Votum simpliciter inuoluntarium, ac irritum. Ergo etiam ignorantia notabilis circa difficultates rei, per Votum, promissa, reddet Votum simpliciter inuoluntarium, ac irritum; Non minus enim ignorantia antecedens, causat inuoluntarium, quam error; si ergo error notabilis circa aliquid pertinens ad materiam Voti, illud reddit inuoluntarium, ac irritum, etiam ignorantia notabilis circa difficultates rei per Votum promissa, Votum reddet inuoluntarium, ac irritum. Nam etiam difficultates, ad Votum materiam pertinent.

NOTABILIA.

6 **A**Duertendum est primo; cum quis rem aliquam confusè cognoscit, sine circumstantijs; dupliciter illam sine

circumstantijs posse cognoscere; primò præcisius; hoc est, præscindendo ab ipsis circumstantijs, & illas non cognoscendo; & hoc sit per ignorantiam, quatenus ipsæ circumstantiæ non cognoscuntur, nec penetrantur. Secundo negatiuè; hoc est, illas à re cognitæ excludendo; & hoc sit per errorem; Quatenus circumstantiæ illæ, posituè iudicantur, in re cognitæ non esse. Sic potest quis officium aliquod ita confusè apprehendere, vt eius difficultates non penetret, nec aduertat; & tunc dicitur illas ignorare, & ab eis præscindere, quia illas non cognoscit; Aliquando vero, potest officium illud ita confusè apprehendere, vt simul habeat iudicium falsum in intellectu; quo iudicet, in officio illo, non esse difficultates; & tunc circa illas errare dicitur, & illas à re cognitæ excludere, quia iudicat illas, in re, non esse.

Aduertendum est secundo; Hanc esse differentiam, inter ignorantiam, & errorem; quod ignorantia, circumstantias ignoratas non excludit, error vero illas excludit; hinc autem sit, vt qui confusè rem aliquam cognoscens, eius circumstantijs non penetratis, eam voleat, ac promittit, censeatur eam velle absolute, circumstantias ignoratas non excludendo, sed ab eis præscindendo; ideoque illas tanquam inseparabiliter connexas cum re volitæ, implicitè, ac virtualiter volendo; Qui enim absolute vult aliquid, censetur simul virtualiter, ac implicitè velle, quidquid est cum illo inseparabiliter connexum. Qui vero rem confusè cognoscens, habet simul cognitionem erroneam circa aliquam eius circumstantiam, putans, illam non esse in re, censetur,

fetur, rem illam velle solum, ut spoliata tali circumstantia, & consequenter illam velle, non absolutè, sed solum conditionatè, posito; quod tali circumstantia caret; hinc autem sit, ut talis circumstantia sit omnino inuoluntaria. His positis.

R E S O L V T I O.

AD Casum respondet; Votum si se validum; ideoque Titium teneri ad Religionis ingressum. *Suar.* tom. 2. de relig. lib. 4. de Voto c. vlt. num. 7. *Valent.* 2. 2. d. 5. quest. 20. pun. 4. in fine. *Sanch.* lib. 10. matr. d. 9. num. 14. & lib. 4. sum. c. 2. num. 10. *Caiet.* 2. 2. quest. 89. art. 3. *Sotus* lib. 7. de iust. quest. 2. ar. 1. ad 3. & alii communiter.

9 Primò; Quia ignorantia difficultatum non impedit, quin Titius ad ingressum Ordinis Carthusianorum, simpliciter & absolutè obligare se voluerit; Ergo neque impediuit, quin virtualiter, & implicitè ad illas se obligare voluerit; Qui enim absolutè vult aliquid, eo ipso, virtualiter, ac implicitè simul vult, quidquid est cum illo necessario connexum; & ideo, qui vult ludum, eo ipso, virtualiter, ac implicitè, vult omissionem Sacri, studij, & omnium aliarum actionum cum ludo incompossibilium, quia istarum omnium actionum omisio, est inseparabiliter connexa cum ludo. Cum ergo difficultates Ordinis Carthusianorum, sint cum illo inseparabiliter connexæ, eo ipso, quod Titius, ad Ordinem obligare se voluit, virtualiter etiam ac implicitè obligare se voluit, ad illas, quamvis eas ignorauerit; Per ignorantiam enim, illas non exclusit, sicut exclusisset per errorem, si putasset; V. G. ibi comedи carnes; ibi non esse silen-

tium &c. Eo autem ipso, quod eas non exclusit, implicite voluit, volendo Ordinem, cum quo erant inseparabiliter connexæ.

Secundò; Quia ad valorem Voti, eius. 10 que obligationem contrahendam, satis est cognitio confusa rei, quæ per Votum promittitur; satis enim est, habere intentionem faciendi id, quod faciunt alij; dum simile Votum emittunt; ad hoc autem sufficit cognitio confusissima rei, quæ per Votum promittitur, & ipsius, promissionis. Sicut ergo; quia ad Sacramenti valorem, sufficit intentio confusa faciendi id, quod facit Ecclesia, sufficit etiam cognitio confusissima eiusdem Sacramenti; Ita, ad valorem Voti, cum sufficiat intentio faciendi id, quod alij faciunt, dum simile Votum emittunt, sufficiet etiam, cognitio confusissima rei, per Votum promissa, quamvis non distinguat, nec penetret difficultates, quæ in re promissa continentur.

Tertiò; Quia si ad Voti valorem requireretur cognitio distincta omnium difficultatum, vel circumstantiarum, quæ sunt in re per Votum missa; nullum fere daretur Votum, quod esset validum; & in rebus humanis, nullus contractus esset firmus. Nunquam enim, aut fere nunquam, datur in voentibus cognitio rei per Votum missa, adeo clara, & distincta, vt omnes rei circumstantias, ac difficultates, quæ voluntatem retrahere possunt à vouendo, representet. Si ergo ad Voti valorem, requireretur cognitio distincta rei per Votum missa, aut ipsius promissionis, nunquam, aut fere nunquam, Votum esset validum.

Neque

¹⁰ **12** Neque obstat, quod, si quis talem difficultatem cognouisset, non voulisset. Nam primò voluntas ista non datur de facto; sed daretur, si daretur cognitio difficultatis; voluntas autem, quæ de facto non datur, sed solum daretur, nihil de facto operatur, sed solum operetur; ideoque non impedit, ne ces per Votum promissa, sit simpliciter & absolute promissa, independenter à difficultatibus non præuisis, quæ à Voto tetra-
xissent; Secundo Sicut ex eo, quod certò constet, quod si Testator sciuisse, Titum esse furem, ei legatum non reliquisset, non rectè colligitur, quod illud de facto ei absolute non reliquaerit, vel quod de facto non habuerit animum illud ei relinquendi; ita ex eo, quod, si quis cognouisset difficultates, non voulisset, non rectè colligitur, quod de facto absolute, & independenter ab ipsis difficultatibus, non voverit.

OBJECTIONVM SOLVTIO.

¹¹ **13**

Ad rationes autem in contrarium respondetur; Ad primam; Ignorantiam viitorum rei emendare, reddere exemptionem inuoluntariam, ac irritam; primò; quia illa, non est propriè ignorantia, sed error; Dum enim quis emit equum infirmum, eius infirmitatem ignorans, putat, esse sanum, alias non emeret; Error autem antecedens, causat in voluntarium, quia facit, ut emptor velet emere equum sanum, siue non habentem infirmitatem, & consequenter habeat voluntatem illum emendi solum conditionatè, & posito, quod non sit infirmus. Secundò; Quia, qui emit equum,

emit illum, vt vtilem ad usum, ad quem emitur; Non est autem vtilis, si sit infirmus; Ergo non habet voluntatem illum emendi absolutè, sed solum conditionatè, & posito, quod sit sanus. Cum autem quis absolutè voullet aliquid, ejus difficultates ignorans, rem illam promittit absolute, & independenter à difficultatibus ignoratis, cum, ignorantia, illas non excludat, sicut excludit error; ideoque censetur, illas etiam virtualiter, & implicitè velle, tanquam cum re promissa, inseparabilitate connexas; hinc ergo sit, vt, quamvis rei vitia ignorata, reddant emptionem inuoluntariam, ac irritam, difficultates ignoratae, Votum non redant inuoluntarium, nec irritum.

¹⁴ Ad secundam, respondetur; Ignorantiam totalem rei, causare inuoluntarium, sicut causat error, quia est causa, cur de facto fiat aliquid, quod alias non fieret; Dum enim quis, ignorantia, esse diem ieiunij carnes comedit, ignorantia est causa, cur carnes comedat, quas alias non comederet, si sciret, esse diem ieiunij; ideoque illa carnium comedio est illi inuoluntaria. At ignorantia alicuius circumstantiae rei, orta ex confusione cognitionis, quam quis habet de re, quam vult vel promittit, non propriè causat inuoluntarium; sicut enim confusam rei cognitionem non excludit, ita neque excludit eius volitionem. Ignorantia autem difficultatum rei per Votum promissa, est ignorantia solum secundi generis, non excludens rei cognitionem, sed solum cognitionem distinctam; ideoque non reddit Votum inuoluntarium, nec tollit eius obligacionem.

R. P. Beati Lib. I.


Pb COROL.

COROLLARIA.

15 C Olligitur ex dictis primo; *Sanctum Thomam*, dum, in 4 d. 38. qu. 1. art. 3. quæsiunc. l. ad primum dicit; id, quod impediret Voti emissionem, si præsens esset e tempore, quo vobetur; Voto emiso superueniens, eius obligationem auferre. Intelligendum esse de eo impedimento, quod impediret, ne obligatio consurgeret ex Voto, dum sit; Morbus enim, qui impediret, ne Votum ieiunij obligaret, dum sit; si Voto superueniat, eius obligationem auferret. At difficultas, quæ præuisa, impediret solum, ne Votum emitteretur sed non eius obligationem, posito quod fieret; si Voto iam facto superueniat, eius obligationem non auferret. Non maiorem enim vim habet obligationem tollendi, dum Voto superuenit, quam illam impediendi, ne conturgat, dum Votum emititur *Sanchez lib. 10. matr. d. 9. num. 14. & lib. 4. sum. cap. 2. num. 10.*

16 Secundò; Dum quis odio maximo ha-

bens fures, facit eleemosynam pauperi, quem ignorat, esse furem; Eleemosynam illam, esse voluntariam, ac validam; Quamvis enim eleemosynam largiens, tempore, quo illam largitur furi, virtute odij, quo tunc est affectus erga fures, nullum eis bonum impertiri velit, & recusaret si nosset; actu tamen, & absoluè, nulla conditione apposita, dare vult eleemosynam illi paupeti, quem ignorat esse furem. Neque hunc esse furem obstat, quin includatur in voluntate illa dandi eleemosynam; cum vere sit pauper; Hic enim euentus, non censemur exceptus ab illâ voluntate, ob tacitam conditionem, quod largiens eleemosynam, si nouislet, illum esse furem, excepisset, & dare non ouislet; nisi expresse, tempore dandi eleemosynam, excepterit, & positiuè voluerit, illam dare solum sub conditione, quod non esset fur; quia hæc tacita conditio, non absulit voluntatem absolutam dandi eleemosynam petenti. Hoc autem sufficit, ut eleemosyna sit simpliciter voluntaria, ac valida.



QVAE-